



TAJUK KHUTBAH JUMAAT

Siri: 12/2022

PERSEDIAAN MENYAMBUT RAMADAN

22 Syaaban 1443 H

Bersamaan

25 Mac 2022

DIKELUARKAN OLEH:

JABATAN HAL EHWAL AGAMA TERENGGANU

PERINGATAN:

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**. Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

KHUTBAH PERTAMA

الْحَمْدُ لِلَّهِ الَّذِي مَنَّ عَلَيَّ عِبَادِهِ بِفَرِيضَةِ الصِّيَامِ،
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ، خَيْرٌ مَنْ صَلَّى وَصَامَ وَقَامَ،
اللَّهُمَّ صَلِّ وَسَلِّمْ عَلَيَّ سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ،
صَلَاةً وَسَلَامًا دَائِمِينَ مُتَلَازِمِينَ، مَا تَعَاقَبَتِ اللَّيَالِي وَالْأَيَّامُ.
أَمَّا بَعْدُ فَيَا عِبَادَ اللَّهِ ، أَوْصِيكُمْ وَنَفْسِي بِتَقْوَى اللَّهِ،
يَا أَيُّهَا الَّذِينَ آمَنُوا اتَّقُوا اللَّهَ وَكُونُوا مَعَ الصَّادِقِينَ

Wahai hamba-hamba Allah ! Saya berpesan kepada tuan-tuan dan juga diri sendiri supaya bertaqwa kepada Allah. Dengarlah perintah Allah yang bermaksud: “ Wahai orang-orang yang beriman! Bertaqwalah kamu kepada Allah, dan hendaklah kamu berada bersama-sama orang-orang yang benar.

Sidang Jumaat yang dikasihi Allah.

Marilah sama-sama kita menghayati khutbah yang bertajuk:

PERSEDIAAN MENYAMBUT RAMADAN

Bulan Ramadan bakal menjelang tiba tidak lama lagi. Bulan ini menjanjikan peluang yang besar untuk seluruh umat Islam meningkatkan keimanan dan ketakwaan kepada Allah swt. Justeru itu khatib ingin berkongsi beberapa persediaan bagi mengharungi bulan Ramadan pada tahun ini :

Pertama: Memohon pertolongan dan bantuan Allah agar diberi kekuatan untuk kuat beribadat.

Nabi saw mengajar Muaz ibn Jabal ra sebuah doa untuk diamalkan setiap kali selesai solat :

اللَّهُمَّ أَعِنِّي عَلَى ذِكْرِكَ، وَشُكْرِكَ، وَحُسْنِ عِبَادَتِكَ

Bermaksud: “Ya Allah! Bantulah aku untuk berzikir, bersyukur dan memperelokkan ibadat kepadamu.

(Riwayat Abu Dawud)

Inilah rahsia mukmin yang kuat, iaitu pada bantuan dan pertolongan Allah kepadanya, setelah dia sentiasa memohon demikian. Sabda Nabi SAW yang bermaksud :

Mukmin yang kuat itu lebih baik dan disayangi Allah dari mukmin yang lemah. Pada keduanya tetap ada kebaikan. Usahakan dengan bersungguh untuk mendapatkan segala yang membawa manfaat untuk dirimu. Mohonlah pertolongan dari Allah swt dan jangan sesekali merasa lemah.

(Riwayat Muslim)

Berdoalah agar Allah swt. memberikan kesempatan kepada kita untuk bertemu dengan bulan Ramadan dalam keadaan sihat wal afiat. Dengan keadaan sihat, kita dapat melaksanakan ibadah secara sempurna dan terbaik pada bulan itu, sama ada puasa, solat, tilawah Al-Quran, zikir, iktikaf, bersedekah, berkebajikan dan sebagainya.

Kaum Muslimin, sidang Jumaat yang dirahmati Allah.

Kedua: Bersyukur kepada Allah swt atas kurniaan Ramadan.

Di antara anugerah nikmat terbesar Allah swt kepada seorang hamba apabila mampu melakukan ibadah dan ketaatan. Maka, ketika Ramadan telah tiba dan kita dalam keadaan sihat wa afiat, kita hendaklah bersyukur dengan memuji Allah dan menzahirkan kegembiraan atas anugerah tersebut. Bergembiralah dengan kedatangan Ramadan sebagai bulan anugerah al-Quran dan melaksanakan rukun Islam.

Firman Allah swt dalam Surah Yunus ayat 58 :

 قُلْ بِفَضْلِ اللَّهِ وَبِرَحْمَتِهِ فَبِذَلِكَ فَلْيَفْرَحُوا هُوَ خَيْرٌ مِّمَّا يَجْمَعُونَ

Bermaksud: "Katakanlah (wahai Muhammad) : Kedatangan Al-Quran itu adalah semata-mata dengan limpah kurnia Allah dan kasih sayangNya, maka dengan isi kandungan Al-Quran itulah hendaknya mereka bersukacita (bukan dengan yang lainnya), kerana ia lebih baik daripada apa yang mereka himpulkan dari segala benda dan perkara yang tidak kekal)".

Sidang Jumaat yang diberkati Allah.

Ketiga: Bertaubat dari segala dosa dan meninggalkan tabiat buruk.

Sambutlah Ramadan dengan membuka lembaran baru yang bersih kepada Allah swt dengan taubat yang sebenar-benarnya. Taubat adalah langkah pertama untuk meraih ketaqwaan. Firman Allah swt dalam Surah Âl-`Imrân, ayat 133:

❁ وَسَارِعُوا إِلَىٰ مَغْفِرَةٍ مِّن رَّبِّكُمْ وَجَنَّةٍ عَرْضُهَا السَّمَاوَاتُ وَالْأَرْضُ

أُعِدَّتْ لِلْمُتَّقِينَ ﴿١٣٣﴾

Bermaksud: “Dan segeralah kamu kepada (mengerjakan amal-amal yang baik untuk mendapat) keampunan dari Tuhan kamu, dan (mendapat) Syurga yang bidangnya seluas segala langit dan bumi, yang disediakan bagi orang-orang yang bertaqwa”.

Kaum Muslimin Hafizakumullah.

Keempat: Mempelajari hukum-hakam ibadat puasa dan semua amalan di bulan Ramadan.

Wajib bagi setiap mukmin yang mukallaf mempelajari ilmu dan hukum berpuasa fardhu sebelum datangnya Ramadan agar puasa kita benar-benar sah dan diterima sebagai amal soleh di sisi Allah swt. Hadirilah majlis ilmu yang membincangkan tentang keutamaan, hukum dan hikmah puasa.

Kelima: Merancang aktiviti dan jadual harian sepanjang bulan Ramadan.

Tempoh Ramadan yang hanya sebulan, hendaklah diisi dengan amalan yang dapat membersihkan dan mendekatkan diri kepada Allah swt. Bertekadlah mengisi waktu-waktu Ramadan dengan ketaatan. Sesiapa yang benar-benar ikhlas kepada Allah swt, maka Allah akan membantunya dalam melaksanakan perancangan dan memudahkannya melaksanakan perkara-perkara kebaikan.

أَعُوذُ بِاللَّهِ مِنَ الشَّيْطَانِ الرَّجِيمِ

وَالَّذِينَ جَاهَدُوا فِيْنَا لَنَهْدِيَنَّهُمْ سُبُلَنَا وَإِنَّ اللَّهَ لَمَعَ الْمُحْسِنِينَ ﴿٦٩﴾

Bermaksud: “Dan orang-orang yang berusaha dengan bersungguh-sungguh kerana memenuhi kehendak ugama Kami, sesungguhnya Kami akan memimpin mereka ke jalan-jalan Kami (yang menjadikan mereka bergembira serta beroleh keredaan); dan sesungguhnya (pertolongan dan bantuan) Allah adalah berserta orang-orang yang berusaha memperbaiki amalannya.”

(Surah Al-Ankabut : 69)

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ.
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ.
وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُوا اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ
وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ الْغَفُورُ الرَّحِيمُ

KHUTBAH KEDUA

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا
مُحَمَّدٍ، وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.
مَعَاشِرَ الْمُسْلِمِينَ رَحِمَكُمُ اللَّهُ،

Apabila melihat anak bulan Ramadan, seboleh-bolehnya berdoalah
sebagaimana doa yang diajar oleh Rasulullah saw:

اللَّهُمَّ أَهْلُهُ عَلَيْنَا بِالْأَمْنِ وَالْإِيمَانِ، وَالسَّلَامَةِ وَالْإِسْلَامِ،
رَبِّي وَرَبُّكَ اللَّهُ، هِلَالُ رُشْدٍ وَخَيْرٍ

Bermaksud : “Ya Allah, terbitkanlah ke atas kami anak bulan ini dengan
membawa keamanan dan keimanan, kesejahteraan dan Islam, Tuhanku
dan Tuhanmu ialah Allah. Anak bulan petunjuk dan kebaikan”

(Riwayat At-Tirmizi)

Bersyukur kita ke hadhrat Allah SWT kerana masjid-masjid di Terengganu
akan dibuka sepenuhnya tidak lama lagi. Untuk itu, sukalah mimbar jumaat
ini memperingatkan kepada jemaah muslimin, janganlah kita mencipta
pelbagai alasan untuk tidak hadir solat Jumaat di masjid. Azan telah

dilaungkan, tetapi masih ada yang melepak dan berpeleseran di wakaf, di pantai, di kebun dan lain-lain tempat.

Sidang jumaat sekalian,

Mohon sebar luaskan pesanan ini kepada mereka yang terlibat. Ajaklah mereka untuk turut serta beramai-ramai menunaikan solat Jumaat. Marilah sama-sama datang awal ke masjid.

Sama-samalah kita berdoa agar setiap usaha, serta ikhtiar kita ini bagi meramaikan kehadiran jemaah ke masjid, ia menjadi asbab untuk Allah memberi keluasan yang lebih banyak kepada kita dalam menunaikan ibadat dan mengimarahkan rumah-Nya. Semoga Ramadan yang bakal menjelang dapat disemarakkan dengan amal mendekatkan diri kepadaNya.

Sidang jumaat yang dirahmati,

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا

إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا

مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،

إِنَّكَ حَمِيدٌ مُجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ. اللَّهُمَّ
اشْفِ مَرَضَانَا وَارْحَمْ مَوْتَانَا، وَالطُّفَّ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ
السُّلْطَانِ مُحَمَّدِ الْمُكْتَفِيِّ بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ
زَاهِرَةَ، سُلْطَانَةَ تَرَغْكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،
بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وِلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ
زَيْنِ الْعَابِدِينَ.

Ya Allah, pertautkanlah hati kami, perbaikilah hubungan sesama kami,
tunjukkan kami jalan-jalan kesejahteraan, selamatkan kami daripada
kesesatan, bimbinglah kami menuju kepada kebenaran, jauhkan kami
daripada segala keburukan dan kejahatan yang zahir mahupun tersembunyi.

Ya Allah, perkayakan kami dengan ilmu pengetahuan, perelokkan kami dengan budi pekerti, muliakan kami dengan ketakwaan, dan hiasilah kami dengan kesehatan yang baik.

Ya Allah, berkati dan rahmatilah kehidupan, keluarga dan keturunan kami. Terimalah taubat kami, sesungguhnya Engkau yang Maha Penerima taubat lagi Maha Penyayang. Jadikanlah kami orang-orang yang bersyukur akan nikmat-Mu, penyanjung nikmat-Mu, penerima kurniaan nikmat-Mu, dan sempurnakanlah nikmat-Mu kepada kami.

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

أذْكُرُوا اللهَ الْعَظِيمَ يَذْكُرْكُمْ، وَاشْكُرُوهُ عَلَى نِعْمِهِ يَزِدْكُمْ،
وَلَذِكْرُ اللهِ أَكْبَرُ، وَاللهُ يَعْلَمُ مَا تَصْنَعُونَ.
قُومُوا إِلَى صَلَاتِكُمْ، يَرْحَمْكُمْ اللهُ.